

PAUL ETIÑ IKỌ NDISỌÑỌ IDAHA YE UTOM ESIE NTE OWO-MBET

2 Ñwed Corinth 10:1-18; 11:1-33; 12:1-21.

ỌYỌHỌ UKPEP-ÑKPỌ 397

Eke Ikpọ Owo

IKỌ IBUOT: “Mmadara ke mmem-idem, ye esuene, ye afanikọñ, ye isin-enyin, ye mbaba, kabaña Christ; koro ke adañemi idem ememde mi, adañoro ke ntim nnyene nsọñ-idem” (2 Ñwed Corinth 12:10).

I Ñkañ-Idem Paul

1 Paul etiñ owut mme ñkpọ-ekọñ Spirit emi enye adade ọbiọñọ asua, 2 Ñwed Corinth 10:1-9; Ñwed Mbon Ephesus 6:13.

2 Mme andibiọñọ Paul ekedọhọ ete ke mme ñwed esie odoobi edi ke ikọ inua esie ọyọhọ ye usọñ-enyin, 2 Ñwed Corinth 10:10, 11; Ñwed Mbon Galatia 4:13; 1 Ñwed Corinth 2:3-5.

3 Paul obiom mmọ ikpe ete ke mmọ enyanare ebe adaña enyuñ eda utom owo eñwen enam mbure, 2 Ñwed Corinth 10:12-16.

4 Owo emi Abasi otorode ke ebat ke eti, 2 Ñwed Corinth 10:17, 18; Mme Ñke 27:2; Ñwed Mbon Rome 2:29.

II Ukut Paul Ke Ntak Ikọ Abasi

1 Enyik Paul nditoro idem-esie, 2 Ñwed Corinth 11:1-22; John 8:44.

2 Paul abat mme ukut esie ke ntak Ikọ Abasi, 2 Ñwed Corinth 11:23-33; Deuteronomy 25:3; 1 Ñwed Corinth 9:22; Utom Mme Apostle 20:31; 27:41.

III Se Ekeyarade Enọ Paul

1 Emen Paul edọk eduk ke Paradise, 2 Ñwed Corinth 12:1-6.

2 Mbak enye ediseri iseri oto ke ediwak eriyarare emi, ekenọ enye ñkukim ke obukidem, 2 Ñwed Corinth 12:7-9; Ñwed Mbon Galatia 4:13, 14.

3 Enye ama adara ke mmem-idem emi koro ke ini idem ekememde enye, ini oro ke enye ọkọsọñ ke Spirit, 2 Ñwed Corinth 12:10; 7:4; 13:4; Ñwed Mbon Rome 5:3.

4 Enye ọkọbọ ñkpọ mfọn oto mme ufọk Abasi eñwen man enye ọkwoṛọ ikọ Abasi ke mfọn ọnọ mmọ, 2 Ñwed Corinth 12:11-21; Utom Mme Apostle 20:33; 2 Ñwed Corinth 11: 8.

SE EKPEPDE EBAÑA

Asaña-Utom Abasi Emi Okponde Akan

Paul ekedi eyen-obio Tarsus, obio emi ọkwoṛọde etop ke ifiok. Enye ama otim ọfiok ñkpọ abaña ukpep-ñkpọ ye edu-uwem mme Greek. Enye ñko ọkọbọ ukpep-ñkpọ oto Gamaliel, owo Jew, andikpep emi ọkwoṛọde etop ke ini oro. Enye ama ọfiok ibet. Idighe mme ñkpọ emi ekpenam owo odot ndidi Owo-mbet, edi nnyin imonim ke akpanikọ, Abasi ama ada mme ñkpọ emi anam enye edi asaña-utom Abasi emi okponde akan ke ererimbot.

Mme Ñkpọ Emi Enamde Owo Odot Ndidi Owo-mbet

Odu mme ñkpọ emi mme owo ekekerede ete ke ana owo enyene mbemiso enye odot ndidi Owo-mbet. Kiet ekedi, ke ana nte enye edi enye emi okokutde Jesus. Ke 1 Ñwed Corinth 9:1, 2. Paul ama obup mme mbume emi: “Nte ndige Apostle? Nte ñkekwe Jesus Ọbọñ nnyin? Nte mbufo idige ubok utom mi ke Ọbọñ? Edieke mmendige Apostle nnọ owo eñwen, ndi Apostle nnọ mbufo; koro mbufo edi idiọñọ itie-Apostle mi ke Ọbọñ.” Ke 1 Ñwed Corinth 15: 8. “Ndien ke ata ukperedem, Enye eriyarare idem owut mi ñko, emi ntiede nte eyen eke amanade ke ini mikemke.” Paul ọdọhọ mmọ aña-aña ete ke imọ ima ikut Ọbọñ.

Ɗkpọ efen ekedi ke ana nte ikot esie oto Abasi. (Ewet ebaña ikot Paul ke Ɗwed Mbon Galatia 1:11, 12). Ɗkpọ efen ekedi ke ana nte mme idiọño ye mme utibe-Ɗkpọ etiene utom esie (Mark 16:17, 18). Paul ama enyene mme Ɗkpọ emi. Enye onyũ ọdọhọ ete: “Ke akpanikọ mma nda anyan ime nnam kpukpru utom itie Apostle ke otu mbufo, ke mme idiọño ye utibe-Ɗkpọ ye utom odudu.” (2 Ɗwed Corinth 12:12).

Paul ama ọkwọrọ ikọ ke Corinth ke isua kiet ye ubak. Abasi ama anam utibe utom ndien akamba ufọk Abasi ama asiaha. Ke ini Paul mikoduhe, andidiok ama ọnyọni okoduk do oto ke idem asaña-utom emi okokotde idem esie Owo-mbet Jesus Christ. Enye okoduri mme owo ọnọ idem esie, adianade mmọ ọkpọn Ikọ Abasi akpanikọ. Man enye anam enyiñ ọnọ idem esie, enye ama ọtọk Paul onyũ abiat enye ke iso ufọk Abasi. Sia enye mkekwe ndudue ke uwem Paul, enye ama osioño enye ndo ke abaña nte enye etiede ke ikpohidem ye nte enye etiñde ikọ. Asua oro ama ọdọhọ ete ke Paul enyene uko, mme Ɗwed esie enyũ enyene odudu ke ini enye miduhe ye mmọ, edi ke ini enye odude ye mmọ enye edi mmeme, ikọ esie onyũ ọyọhọ ye emiom.

Paul abat mmọ nte mme anditiñ ntiñ-nnim ikọ nsu, mme anam utom abiaña emi ekpuhọre idem mmọ enim nte mme Owo-mbet Christ; enye onyũ ọdọhọ Ɗko ete ke idighe Ɗkpọ mkpaidem, koro satan ọkpuhọrede idem esie onim nte angel uñwana, ndien idighe Ɗko Ɗkpọ mkpaidem edieke mme asaña-utom esie edomode ndikpuhọre idem mmọ nnim nte mme ọkwọrọ edinen ido.

Ndidomo Idem Ye Idem Mmọ

Paul ọdọhọ mmọ ete ke ifiok iduhe ndida idem mmọ ndomo ye idem mmọ. Ekikere owo ke abaña idem-esie idinyeneke utit adaña nte enye adade idem esie odomo ye idem esie, mme odomode ye owo emi enye akande, edi idomoke ye owo emi akande enye.

Paul okot emi ete ke edi ndisaña ke obukidem. “Ke akpanikọ nnyin idodu uwem ke obukidem, edi nnyin iñwanake ekọn nte ido obukidem edide (Koro Ɗkpọ-ekọn, eke idade iñwana ekọn, idighe Ɗkpọ-ekọn obukidem, edi se ikopde idem ke enyin Abasi ndiwuri mkpọsọn ebiet).” Enye anam mmọ efiok ete ke imọ ke ifiak itiene mmọ, ndien se imọ ikedide ke ini imọ mikoduhe ye mmọ, ke imọ ididi ke ini emi idifiakde idu ye mmọ.

Mme Ikọ Ndori-Uyo

Man efiak eda nditọ Corinth emi esok Christ, Paul ama okut ete ana nte ida akpanikọ ifaña idem imọ. Enye ama ọdọhọ ete ke mbure isañake Ɗkpọ ye nsuhọre-idem nditọ Abasi, edi ke ana nte inam Ɗkpọ ndifaña idiok etop emi ekesuande.

Mme idiok asaña-utom emi ema ebure mbure ebaña ubon mmọ. Paul ama ada esie odomo ye eke mmọ onyũ etiñ ebaña mme ukut emi enye okokutde ke ntak ikọ Abasi. Nte enye osuk abatde mme ukut emi, esit esie ama otuk mbon mmemidem ye mmọ eni ekutde ukut ndien enye ofiori ete: “Anie odu ke mmemidem, ndien ami ntre nditiene enye Ɗkop mmemidem? Anie ke owo anam enye atuak ukot ọduọ, ndien ami ntre ndiyat esit?” Ke esiode ofuri ukut emi efep, ama odu kiet emi ekefikde enye kpukpru usen: “ekikere eke nnyenede ke abaña kpukpru mme ufọk Abasi.” Enye ikedighe idek. Enye ama ebeñe idem ndimum ekpe ntañ ebek, nnyũ ntop enye nduok. Enye ikonyimeke asua ọnyọni oduk ke ifure onyũ asuan mme erọn. Ndusuk Paul ama emem ke obukidem edi ikememke ke Spirit. Enye ama emen ofuri odudu esie ke Spirit añwana ye idiok asua emi onyũ onuk enye osio, onyũ anyaña uwem mme erọn esie.

Utom Mbon Efen

Owo-mbet abiaña emi ama oduk iñwañ utom Paul onyũ oyom ndida nnyene nte Ɗkpọ eke ekedide esie. Eti owo kiet ama etiñ abaña utọ owo oro ete: “Ke edi Ɗkpọ but, ye obom, ye ata ntọtuño idiok-Ɗkpọ owo nditop idem esie nsin ke mbubehe owo efen, ndinyũ ntọ eyighe, ye nsuk-uyo ke otu nditọ Abasi, man enye ọwọñre mmọ onyũ abahare otu ọnọ idem esie.”

Paul akananam idomomke ndika ke ebiet emi owo efen ama ọkọkwọrọ Eti-mbuk. Enye ekesika ebiet emi owo mikọfiokke ibaña Christ, mbak enye edibọp odori ke se owo efen ọkọtọñde.

Enye ọ̀nọ́ uwut-ńkpọ́ ke mbre Olympic onyũn ọ̀dọ́họ́ ete ke owo ndutime emi oduk mbre, edi isańake ke item. “Yak owo emi oburede mbure obure ke Ọ̀bọ̀n. Koro idighe owo emi otorode idem ke ebat ke eti, edi owo emi Ọ̀bọ̀n otorode.”

Idaha Paul

Mme mmọ́ emi ekedoride Paul ikọ́ ema edọ́họ́ ete ke enye odude ye mmọ́ enye edi mmeme, edi ikọ́ esie ọ̀yọ́họ́ ye emiom. Akani ewet-ńwẹd owo Greek kiet ama ọ̀dọ́họ́ ete ke Paul ekedi ekpři owo ke idem, edi, idaha esie “osim Heaven.” Imekeme ndinim ite ke idaha esie ama okpon, koro mikpedighe ntre enye ikpekekemeke ndida idaha utom esie ke idak akwa-oku, oro edi ke ndikọ́bọ́ ufọk Abasi Christ.

Ndiwut nte ke ikọ́ inua esie ikọ́diọkke imenyene isọ́n ke se ewetde ke Utom Mme Apostle 14:12, emi mbon Lycaonia ekekerede ete ke enye edi Mercury koro enye ekedide akwa etiń ikọ́. Mercury ekedi ndem emi mme Greek ekenimde ete ke edi ndem udọ́n ikọ́.

Ndifat Idet Erọ́n

Mme anditiń ntiń-nnim ikọ́ abiańa emi ekeda otu-erọ́n enam mbubine, edi Paul eti nditọ́ Corinth ete ke imọ́ ikọ́kwọ́rọ́ ikọ́ Abasi inọ́ mmọ́ ke mfọ́n, ida ubọ́k imọ́ inam utom ińwam idem imọ́. Ekem mme ufọ́k Abasi ke Macedonia enọ́ uńwam esọ́k imọ́. Okposuk edi nte enye mikeduehe mmọ́, enye ekpe mmọ́ ubọ́k ete edahadedo enọ́ imọ́. Nte enye akanam oro koro enye mikamaha mmọ́? Ọ̀bọ̀n ọ̀mọ́fiọ́k. Nte enye otimdetim ama mmọ́ ntre ke mmọ́ mimaha enye. Enye ama ọ̀nọ́ Abasi ubọ́n ke unen ndikwọ́rọ́ ikọ́ Abasi ke mfọ́n nnọ́ mmọ́, ndien baba owo ikemeke ndibọ́ enye unen oro. Enye ama emek ndida ubọ́k esie nnam utom akan ndidi mbiomo nnọ́ owo efen.

Emen Edọ́k Ke Heaven

Paul ama owut ete ke imọ́ idi kiet ke otu mme akakan Owo-mbet, onyũn etiń abiańa ńkukut emi enye ekenyenede ye Ọ̀bọ̀n ke isua duopenań emi ekebede. Ndusuk ke ofuri isua duopenań oro, emi ekedi ndibe ńkpọ́ ke ufọ́t esie ye Abasi, edisana ńkpọ́ emi owo mikemeke nditiń ńkpọ́ mbańa. Idahemi enye anam ańwańa man enye ańwam mmọ́ ndiwọ́rọ́ ke afia asua emi mmọ́ ekeduọ́de eduk. Enye ama etiń ọ̀nọ́ mmọ́ nte ekemende enye edọ́k ke paradise, do enye ama okut onyũn okop mme ńkpọ́ oro midighe se etińde enọ́ owo. Ediyarade emi ama okpon eti eti tutu Abasi ọ̀nọ́ enye ńkukim ke obukidem mbak enye edimenere idem akaha. Enye ama ebeńe Abasi utim ikata ete Enye emen ńkukim emi efep, edi Abasi ọ̀bọ́rọ́ enye ete, “Mfọ́n Mi ekem ye afo.

Spirit Paul ama adiana ye eke Jesus Christ eti eti tutu enye adara ndikut ukut ke ntak Eti-mbuk. Enye ama ọ́fiọ́k ete ke enam imọ́ ifọ́n ima oto ke mmem-idem. Ke ntre enye ama ekeme ndidọ́họ́ ete ke imọ́ imadara ke mmem-idem, ke esuene, ke unana, ke ukọ́bọ́ ke nnan-enyin ke ntak Christ.

Ke ini idomo ye ukut esimde nnyin, nte nnyin imesikop idaresit ke mmọ́? Me nnyin isitua eyet iseme ibańa ukut nnyin? Nte mme ńkpọ́ emi esinam nnyin inyene obufa odudu Abasi ke uwem nnyin, me esisin nnyin mmem-idem ke idem, iyakke nnyin ika iso ińwana eti eńwan mbuotidem? Paul ama okut akwa ndibe ńkpọ́ emi odude ke Eti-mbuk, mmọ́do kpukpru nsińere satan ikekemeke ndisio enye mfep ke aba itiat emi enye ekedibede.

MME MBUME

- 1 Nso idi ntak emi Paul akafańade idem ndiyarare idaha esie nte Owo-mbet?
- 2 Anie ekebem iso ada Ikọ́ Abasi ọ́sọ́k nditọ́ Corinth?
- 3 Nte satan esidọ́n mbio utom esie eka ke ińwań utom Abasi?
- 4 Tiń nte mmọ́ esitiede.
- 5 Nso ke ekenọ́ Paul man enye ọ́suhọ́re idem?
- 6 Nso ke mme asua eketiń ebańa idaha Paul ke obukidem?
- 7 Nọ́ mme ntak emi ekerede ete mmọ́ ikenenke.
- 8 Paul akada okuk emi ke mmọ́n anam utom ukwọ́rọ́-ikọ́ ọ̀nọ́ mbon Corinth ?
- 9 Tiń mme ukut emi Paul okokutde ke ntak Ikọ́ Abasi.
- 10 Ke nso ke enye akadara?